



Елдос ҚҰРСАБАЕВ,  
Шымбұлақ тау курортының  
департамент басшысы:

## «СЫРҒАНАУ АЛАҢЫНДАҒЫ ЖАУАПТЫЛЫҚТЫ БЕЛГІЛЕЙТІН ЗАҢ ЖОҚ»

– Шымбұлақ тау курортының даңқы жыл өткен сайын өспесе, кеміп жатқан жоқ. Соңғы жылдары барлық маусымда туристер санының өсіп келе жатқаны айқын аңғарылуда. Бұл жағдай ондағы көрсетілетін қызмет ақысының көтерілуіне қаншалықты әсер етуде?

– Шымбұлақ тау курорты жаңа маусымда сырғанаушылар үшін абонементтер бағасын көтеруге мәжбүр болды. Оған бірнеше себеп бар. Біріншісі – инфляция. Өзіңіз де байқап жүрген шығарсыз, соңғы жылдары барлық қызмет түрлері қымбаттап жатыр. Екіншіден, біздің инфрақұрылымға түсетін жүктеме өсті. Мысалы, өткен жылы Шымбұлақ тау курортына 1,5 млн турист қонақ болды. Бұл дегеніміз бүкіл аспалы арқан жолдарына, мейрамханалар мен ондағы әжетханаларға біршама ауыртпашылық түсіреді. Өйткені оның бәрін уақытылы күтіп ұстап, жөндеу жұмыстарын жүргізу үшін қомақты қаражат қажет. Бүкіл қосалқы бөлшектерді біз Еуропадан алып келеміз. Шымбұлақ тау курорты табатын қаражаттың 60 пайызы инфрақұрылымға жұмсалады. Сол себепті биыл біз курорттағы абонементтік бағаны 20-30 пайызға көбейтуге мәжбүр болдық. Баға бұған дейін 3 жыл бойы өзгермеген еді. Биыл экономикалық тербелісті қатты сезініп жатырмыз.

– Бағаның көтерілуіне қосалқы бөлшектердің әсері өте жоғары. Әйтсе де, оларды алмастырудың өзге жолы жоқ па?

– Тау курортына қатысты қазіргі кездегі ең озық құрал-жабдықтарды өндіретін компаниялар әлемде санаулы ғана. Онда өзге салалардағыдай үлкен бәсекелестік жоқ. Біз пайдаланып отырған еуропалық компаниялардың өнімі мен қызметіне балама болатындай өндіріс орындары елімізде ғана емес, көршілес өзге елдерде де жоқ. Сондықтан біз оның бәрін қомақты қаржы жұмсап Еуропадан сатып алып, жыл сайын курорттың бүкіл инфрақұрылымына профилактикалық жұмыс жүргізіп, құрылғылардың қосалқы бөлшектерін ауыстырамыз.

(Жалғасы 3-бетте)

(Жалғасы 5-бетте)

## БҮГІНГІНІҢ БАС ТАҚЫРЫБЫ

Қасым-Жомарт ТОҚАЕВ, ҚР Президенті:

# «ӘДІЛЕТТІ МЕМЛЕКЕТ – ҚҰҚЫҚТЫҚ МЕМЛЕКЕТ»



Жыл аяқталып, күнтізбе ауысқан тұста кез келген елдің мемлекеттік билігінің жылды қорытындылап, елі үшін атқарылған игілікті істерін саралайтыны, болашаққа бағдар жасап, дамудың жаңа бағыттарына бет бұратыны, өткеннен сабақ ала отырып, келешекке зор үмітпен қадам жасайтыны ақиқат.

## МІНБЕР

# МӘРТЕБЕ ТӨҢІРЕГІНДЕГІ МАҢЫЗДЫ ҰСЫНЫС

Қазіргі уақытта барлық судьялар қауымын ойландырып жүрген, қоғамның судьяларға деген сенімі мен судьялардың мәртебесін арттыруға үлкен серпін беретін бірқатар маңызды заңдар бойынша ресми түрде, заң шығарушы қызметін жүзеге асыратын еліміздің ең жоғарғы өкілетті органы – Парламент депутаттарына төмендегі заңдарға өзгерістер мен толықтыру мүмкіндігін қарау үшін ұсыныс білдіремін.

1. ҚР Үкіметінің 2023 жылғы 29 тамыздағы №733 «Әскери қызметшілердің, арнаулы мемлекеттік және құқық қорғау органдары, мемлекеттік фельдъегерлік қызмет қызметкерлерінің, сондай-ақ әскери немесе арнаулы атақтарға, сыныптық шендерге ие болу және нысанды киім киіп жүру құқықтары 2012 жылғы 1 қаңтардан бастап жойылған адамдардың және Қазақстан Республикасының Ішкі істер органдарындағы медициналық лауазымдары 2022 жылғы 1 шілдеден және 2023 жылғы 1 қаңтардан бастап қысқартылған, лауазымы қысқартылған кезде еңбек сіңірген

жылдары үзіліссіз әскери қызметте, арнаулы мемлекеттік және құқық қорғау органдарындағы қызметте, мемлекеттік фельдъегерлік қызметте кемінде он екі жыл және алты ай болған адамдар қылмыстық-атқару (пенитенциарлық) жүйесінің тергеу изоляторлары мен мекемелерінде орналасқан медициналық ұйымдарда жұмысын жалғастырған жағдайда, осындай адамдардың еңбек сіңірген жылдарын есептеу қағидаларын бекіту және ҚР Үкіметінің кейбір шешімдерінің күші жойылды деп тану туралы» қаулысының 2-тармағының 9) тармақшасына сәйкес, егер Қазақстан

Республикасы ратификациялаған халықаралық келісімдерде өзгеше белгіленбесе, еңбек сіңірген жылдар осы Қағидаларда белгіленген тәртіппен есептеледі.

Еңбек сіңірген жылдарына зейнетақы төлемдерін тағайындау үшін еңбек сіңірген жылдарына:

«Қарулы күштерге, арнаулы мемлекеттік органдарға, прокуратура, ішкі істер, сыбайлас жемқорлыққа қарсы қызмет және экономикалық тергеу-тексеру қызметі, мемлекеттік өртке қарсы қызмет, қылмыстық-атқару жүйесі органдарына, мемлекеттік фельдъегерлік қызметке, сондай-ақ бұрынғы ҚР Мемлекеттік тергеу комитетіне және қаржы полициясына (салық полициясы (милициясы) қызметке ауысқан жағдайда сот органдарында судья лауазымдарында жұмыс істеген уақыт есептеледі» делінген.

Осы заң нормаларына сәйкес, судья лауазы-

мына тағайындалған уақытта, қарулы күштерге, арнаулы мемлекеттік органдарға, прокуратура, ішкі істер, сыбайлас жемқорлыққа қарсы қызмет және экономикалық тергеу-тексеру қызметі, мемлекеттік өртке қарсы қызмет, қылмыстық-атқару жүйесі органдарына, мемлекеттік фельдъегерлік қызметке, сондай-ақ бұрынғы ҚР Мемлекеттік тергеу комитетіне және қаржы полициясына (салық полициясы (милициясы) қызметте еңбек сіңірген жылдары үшін зейнетақы төлемдерін тағайындау үшін еңбек сіңірген жылдары да, осы жоғарыда көрсетілген лауазымдарында жұмыс істеген уақыт есептелуі керек деп есептеймін. Бұдан басқа, осы қаулының бірінші қосымшасында: «Қызмет етуі жеңілдікті шарттарда еңбек сіңірген жылдарына қызметтің бір айы бір жарым ай болып есептелетін жергілікті жерлер: Ұлытау облысында – Ұлытау ауданының Жезді ауылдық округінде, Қаражал қаласында және Жәйрем кентінде – 1985 жылғы 1 қаңтардан бастап, Ұлытау, Жаңаарқа, (бұрынғы Жезқазған облысының Қаражал ауданында), Сәтпаев және Жезқазған қалаларында – 1988 жылғы 1 қаңтардан бастап еңбек сіңірген жылдарына есептеледі» деп көрсетілген.

(Жалғасы 4-бетте)

2-бет




ҚазҰУ: алғашқы қадам,  
дара жол, жеткен жетістік

6-бет



Съездер – сот  
жаңашылдығының бастауы

8-бет



Дар  
алдында

